

續資治通鑑

壽潛

續資治通鑑

PDG

續資治通鑑卷第九

賜進士及第兵部尚書兼都察院右都御史總督兩湖等處地方軍務兼理糧餉世襲二等輕車都尉畢沅編集

宋紀九 起柔兆困敦十二月盡居維摩閏二月凡二年有奇

太宗至仁應運神功聖德睿烈大明廣孝皇帝 帝諱炆初名匡父改賜光義即位二年改今諱太祖同母弟也晉天福四年十月甲辰生於浚儀官舍是夜赤光上騰如火及長龍準龍顏望之儼如也性嗜學工

文業多藝能仕周至供奉官都知太祖即位以為殿前都虞候鎮睦州防禦使尋領泰寧軍節度使加同平章事行開封尹再加兼中書令封晉王

太平興國元年 遼保寧八年 十二月甲寅帝御乾元殿受朝樂懸而不作大赦改元 改異溫公書年號皆以後改者為定雖易姓之際亦用此例如漢獻未禪而歲首已繫黃初魏主尚

存而春初即稱泰始頗為後儒所譏宋太宗嗣位未逾年而改元若依溫公例於丙子歲春即書太平興國則太祖嫌於不終若依綱目例須於丁丑春始書太平興國二年則太宗嫌於無始今參用李德裕乾學之例十一月以前仍稱開寶九年十一月以後稱太平興國則太宗紀雖與溫公之初一時人才組織政理會不得明穆敏政作宋紀受終攷曲為同護殊屬多事今但直書其事是非自不能掩矣 命太祖子及齊王廷美子並

稱皇子王石魏氏三公主並稱皇女 丁巳以樞密直學士左正諫大夫賈琬為三司副使 改異正諫大夫之名不見於職官志惟長編太宗朝題見

之當是避太宗名改易後來仍復其舊史家不能具書耳 三司置副使自此始 戊午遼遣蕭巴固濟 舊作晉古馬哲今改 來聘 先是川峽分路置轉運使峽鹽

悉趨荆南西川民乏食太祖使遣劾兩路轉運使罪帝即位皆釋之於是命西川轉運使申文緯遙兼峽路轉運

副使韓可虬兼西川路使鹽筴流通也 遼詔南京復禮部貢院 改異遼史於復貢院不言其設科取士至統和六年始開科舉然林燧章易水志保寧九年有進士魏環是既開貢院南京即

有進士或未及行於它處耳 是月詔罷河東之師宣徽南院使潘美侍衛馬軍都指揮使党進皆自行營歸闕 改異十國紀年作宋師失利燒營而歸五代史

紀十國春秋俱不載此事今從長編 是歲高麗人金行成始入學於國子監

二年 遼保寧九年 春正月壬戌以大行在殯不視朝 丙寅命禮部員外郎賈黃中左補闕程能左贊善大夫馮瓚分

掌左藏三庫先是貨錢與金帛同掌歲久儲蓄盈羨始命分之黃中尋出知昇州嘗案行府廨見一室局鑄甚固

命發鑰視之得金寶數十櫃計其價值數百萬乃李氏宮閣中遺物未著於籍卽表上之帝曰非黃中廉恪則公國之寶將汚法而害人矣賜錢二十萬 詔中外臣僚無得與民爭利 女真遣使貢於遼 帝初卽位以疆宇

至遠吏員益衆思廣振淹滯以資其闕顧謂侍臣曰朕欲博求俊乂於科場中非敢望拔十得五止得一二亦可

爲致治之具矣先是諸道所發貢士凡五千三百餘人命太子中允直舍人院張洎右補闕石熙載試進士左贊

善大夫侯陶等試諸科戶部郎中侯陟監之熙載洛陽人也於是禮部上所試合格人名戊辰帝御講武殿內出

詩賦題覆試進士命翰林學士李昉扈蒙定其優劣爲三等得河南呂蒙正以下一百九人庚午覆試諸科得二

百七人賜及第又詔禮部闕貢籍得十五舉以上進士及諸科一百八十四人並賜出身九經七人不中格帝憐

其老特賜同三傳出身凡五百人皆先賜綠袍襪笏錫宴開寶寺帝自爲詩二章賜之第一等第二等進士并九

經授將作監丞大理評事通判諸州同出身進士及諸科並送吏部免選優等注擬寵章殊異前代所未有也薛

居正等言取人太多用人多驟帝意方欲興文教抑武事弗聽及蒙正等辭召令升殿諭之曰到治所事有不便

於民者疾置以聞仍賜裝錢人二十萬太祖之幸西京也洛陽人張齊賢獻十策

見便坐問之齊賢以手畫地條陳太祖善其四策齊賢堅執其餘皆善太祖怒令衛士曳出及還語帝曰我幸西

京惟得一張齊賢我不欲遂官爵之汝異時可收以自輔也於是齊賢舉進士帝欲置之高等而有司第其名在

數十人後帝不悅乃召進士盡第二等及九經凡一百三十人悉與超除

數十人後帝不悅乃召進士盡第二等及九經凡一百三十人悉與超除

王俶遣其子温州刺史惟演來修貢賀登極 乙亥賜鄉貢進士孔士基同本科出身褒先聖後也 己卯吳越

傳出身者不在其內意齊賢時在二等故然言悉與超除則是前所云第一第二等進士皆授京官及通判之謂耳
後人不攷皆云爲張齊賢一榜盡賜及第非也齊賢雖在數十人後固已及第矣常云爲齊賢二等盡與超除則是蓋爲齊賢故也
吳越國

下并份富民封建教孝悌舉賢
太學籍田選其吏憲好謹刑

攷異案前言凡五百人此言一百三十人者自一等
至第二等及九經所取者也其第三等及諸科三

國王妃孫氏薨詔給事中程羽爲弔祭使 庚辰詔易禁軍舊號鐵騎曰日騎控鶴曰天武龍騎曰龍衛虎捷曰

神衛 江南舊用鐵錢於民不便二月壬辰朔轉運使樊若水請置監於昇鄂饒等州大鑄銅錢凡山之出銅者

悉禁民采取以給官鑄廢鐵錢悉鑄爲農器以給江北流民之歸附者且除銅錢渡江之禁詔從其請民甚便之

癸巳命戶部員外郎兼侍御史知雜事雷德驥提點開封府 甲午建鄂州永興縣爲永興軍 遼遣使來賀

卽位及正旦 右千牛衛上將軍李煜自言其貧乙未詔賜錢三百萬煜雖貧張洎頗勾索之煜以白金額面器

與洎洎意猶不足 北漢胡桃寨指揮使史溫等來降 己亥吳越王俶以山陵有期遣使來修聘禮 庚子帝

改名晃詔除已改州縣職官及人名外舊名二字不須迴避 丙午始分西川爲東西兩路各置轉運使副使兵

部郎中許仲宣爲西路轉運使考功員外郎滕中正爲東路轉運使中正北海人也 初右監門衛率府副率王

繼勳分司西京彊市民家子女以備給使小不如意卽殺而食之以樗櫟貯殘骨出棄野外女僧及鬻棺者出入

其門不絕民甚苦之不敢告帝在藩邸頗聞其事及卽位會有訴者亟命雷德驥往鞫之繼勳具服所殺婢百餘

人乙卯斬繼勳并女僧八人於洛陽市長壽寺僧廣惠常與繼勳同食人肉帝令先折其脛然後斬之民皆稱快

己未詔劉鋹李煜常奉外給以宅奉 三月河陽節度使趙普來朝乞赴太祖山陵乙亥授太子少保留京師

香藥庫使高唐張遜建議請置榷場局大出官庫香藥寶貨稍增其價許商人入金帛買之歲可得錢三十萬

貫以濟國用使外國物有所泄帝從之一歲中果得錢三十萬貫 戊寅命翰林學士李昉等編類書爲一千卷

小說爲五百卷 初節度使得補子弟爲軍中牙校豪橫奢縱民閒苦之帝雅知其弊始卽位卽詔諸州府籍其

名部送闕下至者凡百人癸未悉補殿前承旨以賤職羈縻之 己丑置威勝軍許遼人互市

改異威勝軍九域志云治銅鞮縣隆平集則云

以潞州亂柳九圖中爲軍未詳孰是

庚寅知江州周述言廬山白鹿洞學徒常數千人乞賜九經使之肄習詔國子監給本仍傳送

之北漢乞糧於遼是月遼主命以粟二十萬斛助北漢先是遼主使烏珍塔爾分治南北院善課農田年穀屢

稔故能經費有餘恤北漢之匱北漢賴之

放異十國春秋作三十萬斛今從遼史

夏四月甲寅遼遣鴻臚少卿耶律敞等來助葬乙

卯葬英武聖文神德皇帝於永昌陵

放異張悞雲谷雜記太祖自爲陵名曰永昌此蓋因太祖躬謁安陵即自定陵地而傳會之據長編諸書俱不言太祖自定陵名今闕之

賑延州饑

是月作景

福殿詔恤刑自是每歲常舉行之帝厲精求治前詔轉運使攷案諸州凡諸職任第其優劣尋復遣使分行

諸道廉察官吏五月壬戌詔罷其罷輒惰慢者安遠節度使向拱武勝節度使張永德橫海節度使張美鎮寧

節度使劉廷讓以帝初卽位並來朝癸亥以拱永德並爲左衛上將軍美爲左驍衛上將軍廷讓爲右驍衛上將

軍丙寅詔繼母殺夫前妻子及婦者同殺人論庚午命起居舍人辛仲甫使於遼右贊善大夫穆被副之將

至境聞朝議興師伐北漢仲甫知北漢倚遼爲援遲留未敢進飛奏俟報有詔遣行既至遼主問曰聞中朝有党

進者真驍將如進之比凡幾人仲甫對曰名將甚多如進鷹犬之材何可勝數遼主欲留之仲甫曰信以成命命

不可留有死而已遼主知其不可奪厚禮遣還帝謂左右曰仲甫遠使絕域練達機宜可謂不辱君命矣甲戌

以十月十七日爲乾明節初曹翰屠江州民無噍類其田宅悉爲江北賈人所占詔長吏訪其民之鄉里疏遠

親屬給還之知州張霽受賈人賂不盡與民民訴其事壬寅霽決杖流海島己卯附太祖神主於太廟廟樂曰

大定之舞以孝明皇后王氏配又以懿德皇后符氏淑德皇后尹氏附別廟己丑女真二十一人請受職於遼

遼主授宰相以下諸職有差六月乙未以保安等縣有黑蟲夜食桑葉免其桑稅遼喜哀召自貶所適見遼

主蒼北漢主書詞意卑遜喜哀曰本朝於漢爲祖事旨如此恐虧國體遼主聽之丙辰以爲北面招討使秋七

衛大將軍李崇矩案行河勢繕治河隄蠲被水田租

使任城翟守素塞之乙丑河決頓邱及白馬旆遣左

朝遣翰林使程德元往宿州迎勞之丁未以平

丙子遼遣使助北漢戰馬閏月庚寅朔以陳洪進將入

度使兼侍中李繼勳以疾求歸洛陽許之復

南軍爲太平州己酉遣翰林學士李昉使契越初天雄節

奉佛與太祖有軍中之舊故特承寵遇後

上表乞骸骨庚戌授太子太師致仕繼勳以質直稱性儉嗇唯奢於

年圖故事每三年一令天下貢地圖

月餘卒贈中書令追封隴西郡王諡莊武丁巳有司上諸州所貢閭

梅山峒蠻首領苞漢陽等劫掠

與版籍皆上尙書省國初以閭爲限所以周知山川之險易戶口之衆寡也

守素進師時霖雨彌旬弓弩

商人禁之不止命翟守素發潭州兵往討先以詔諭之漢陽拒命八月癸亥詔

進入見於崇德殿禮遇

解弛守素令削木爲弩賊掩至交射之賊遂敗乘勝逐北盡平其巢穴丙寅陳洪

寅知懷州懷州故隸

後渥賜錢千萬白金萬兩絹萬匹

帝初卽位以少府監高保

支郡之制乃詔

洵陽時趙普爲節度使保寅素與普有隙事多爲普所抑保寅心不能平手疏乞罷節鎮領

遣李瀚往察

之瀚因言節鎮領支郡多俾親吏掌其關市頗不便於商賈滯天下之貨望不令有所統攝以分方

面之權

帝納瀚言戊辰詔諸州並直屬京師天下節鎮無復有領支郡者矣

李翰長吏

其年太宗始詔諸鎮諸州直隸京師自後奏事長編載於八月翰作翰今從之

中侯陟至泗州迎勞之及惟濬至賜資無算

唐天祐中兵亂窘乏始令以八十五錢爲百後唐天成中又減五

錢漢乾祐初復減三錢宋初因漢制其輸官亦用八十或八十五然諸州私用猶各隨俗至有以四十八錢爲百

者丁酉詔所在悉以七十七錢爲百每千錢必及四斤半以上禁江南新小錢民先有藏蓄者悉令送官官據銅給其直私鑄者棄市 癸卯關南巡檢應州觀察使李漢超卒帝甚悼之廢朝贈太尉忠武節度使遣中使護喪

歸葬 帝屬意戎事每朝罷親閱禁卒命築講武臺於城南之楊邨癸亥大閱帝與文武大臣從官等登臺而觀

命天武左廂都指揮使京兆崔翰分布士伍南北綿亙二十里建五色旗以號令將卒節其進退每案旗指縱則

千乘萬騎周旋如一甲兵之盛近代無比帝悅卽以金帶賜翰曰此朕藩邸時所服者也 容州舊貢珠太祖平

劉鋹詔廢媚川都及禁民采珠至是復貢珠百斤賜負擔者銀帶衣服 丙辰帝始狩於近郊作詩賜羣臣令屬

和 國子監主簿郭忠恕決杖配隸登州禁錮忠恕縱酒肆言時政頗有謗譏帝怒故有是謫忠恕行至臨邑卒

丁巳吳越王遣使乞呼名不允 冬十月辛酉命左衛大將軍李崇矩爲益貴潯橫欽寶等州都巡檢使未幾

徙瓊崖僑萬麾下軍士咸懼於從行崇矩盡出器皿金帛凡直數百萬悉分給之衆乃感悅時黎賊擾動崇矩悉

至洞穴撫諭以己財遺其酋長衆皆懷附在嶺表及海上四五年恬然不以炎荒嬰慮舊涉海者多艤舟俟風或

旬餘或彌月崇矩往來皆一日而渡未嘗留滯從者亦皆無恙人謂崇矩純德之報云 遼遣使來賀乾明節

己巳羣臣請舉樂表三上從之 壬申女真遣使貢於遼 是月初榷酒酤 十一月丁亥朔日有食之既遼司

天奏日當食不虧 庚寅日南至帝始受朝 甲午命監察御史李濱閣門祇候鄭倬爲契丹正旦使 己亥天

平節度使兼中書令石守信罷節度爲守中書令西京留守守信在西京好營佛寺驅督峻急而不給傭直民甚

苦之 馬軍都指揮使党進出爲忠武節度使進掌禁衛凡十二年徼巡京師閭巷有畜奇禽異獸者進或見必

命左右取放之罵曰買肉不供父母反飼禽獸乎嘗爲杜重威家奴重威子孫貧賤進分月奉錢給之人亦以此

稱焉 戊戌遼以吐谷渾叛入太原者四百餘戶命招討使喜哀索而還之 癸卯遼主祠木葉山 十二月丁

巳朔試諸州所送天文術士隸司天臺無取者黥配海島 戊辰遼主獵於近郊以所獲祭天 癸酉詔定晉州

鑾法私煮及私販易者罪有差 辛巳高麗國王佃遺其子元輔來貢賀登極 壬午遼遣太僕卿攷異遼史作太僕今從長編

特爾格舊作迭烈禮賓副使王英來賀明年正旦 靈州通遠軍界諸蕃族剽略官綱詔知靈州通遠軍使董遵

誨討之遵誨分將出兵諸蕃族大懼盡歸所掠肉袒請罪遵誨即慰撫之自是各謹封界秋毫不敢犯帝命遵誨

兼領靈州路巡檢在通遠軍凡十四年 是冬北漢邊候言晉潞邢洛鎮冀等州皆治戎器及攻城之具又轉漕

芻粟北漢主甚恐

三年遼保寧十年春正月丙戌朔不受朝羣臣詣閤賀 北漢主遣其子續爲質於遼納重幣以求援 甲午命絳州

浚汾河京西轉運使程能獻議請自南陽下向口置堰回白河水入石塘沙河合蔡河達於京師以通襄潭之漕

帝壯其言而聽之戊戌發兵役數萬分遣使護其役塹山堙谷歷博望羅渠小祐山凡百餘里逾月抵方城地高

水不能至又增役以致水然終不可通漕會山水暴漲石堰壞河竟不克就 辛丑浚廣濟惠民河及蔡河又治

黃河隄丁未浚汴口 己酉命翰林學士李昉等修太祖實錄直學士院湯悅等修江表事迹 癸丑遼主如長

樂初遼主知翰林學士室昉有理劇才改南京副留守決獄平允人皆便之累遷工部尙書樞密副使參知政事

至是拜樞密使兼北府宰相加同政事門下平章事 建隆初三館所藏書僅一萬二千餘卷及平諸國盡收其

圖籍惟蜀江南爲多凡得蜀書一萬三千卷江南書二萬餘卷又下詔開獻書之路於是三館篇帙大備帝臨幸

三館惡其湫隘顧左右曰此豈可蓄天下圖籍延四方賢俊邪即詔有司度左昇龍門東北別建三館其制皆親

所規畫輪奐壯麗甲於內庭二月丙辰朔賜名崇文院盡遷舊館書以實之正副本凡八萬卷 甲子罷昌州七井虛額鹽有司言昌州歲收虛額鹽萬八千五百餘斤乃開寶中知州李佩培斂以希課最廢諸井薪錢額外課民鬻鹽民至破產不能償多流入它郡而積年之征不可免詔悉除之與此所載不同攷食貨志亦無此語意有司與轉運使所言各不同而帝但從除虛額鹽不從均兩稅邪抑有司即指轉運使而所記有詳略邪但均作兩稅於民則昌井鹽法全異即更除虛額食貨志亦必載明不應但如是而已又攷本紀亦止書甲子罷昌州七井虛額鹽則知必無均作兩稅之事矣今從之 庚午回鶻貢於遼

辛未幸崇文院觀書令親王宰相檢閱問難復召劉鋹李煜縱觀謂煜曰聞卿在江南好讀書此中簡策多卿舊物近猶讀書否煜頓首謝因賜飲中堂盡醉而罷 以吳越王俶將至癸酉命四方館使梁迥往淮西迎勞之旋遣其子淮海鎮東節度使惟濬至宋州迎省 三月乙酉朔貝州清河民田祚十世同居詔旌其門閭復其家 庚寅遼主致祭於顯陵 癸卯殿前都虞候泰寧軍節度使李重勳卒重勳與太祖同事周祖謹厚無矯飾

太祖甚重之故擢委兵柄始終無易贈侍中 己酉吳越王俶入見於崇德殿寵賚甚厚即日賜宴於長春殿俶僚佐崔仁冀等皆預坐 以閑殿使閤門祇候陳從信爲左衛將軍充樞密院承旨翰林使程德元爲東上閤門使兼翰林司公事供奉官大名柴禹錫爲翰林副使清池弭德超爲酒坊副使皆以藩邸舊恩也 夏四月乙卯朔召華山道士真源丁少微至闕少微善服氣年百餘歲隱居華潼谷中與同縣陳搏齊名然少微專奉科儀搏嗜酒放曠雖居室密邇未嘗往來少微以金丹巨勝南芝元芝等獻帝留數月遣還 己巳女真遣使貢於遼 已卯平海節度使陳洪進用幕僚南安劉昌言之計上表獻所管漳泉二州得縣十四戶十五萬一千九百七十八兵一萬八千七百二十七 癸未以陳洪進爲武寧節度使同平章事旋以洪進子文顯爲通州團練使仍知泉州文顯爲滁州刺史仍知漳州 五月乙酉朔御乾元殿受朝詔赦漳泉管內給復一年 初吳越王俶將入

朝盡輦其府實而行逾巨萬計倣意求反國故厚其貢奉以悅朝廷宰相盧多遜勸帝遂留倣不遣凡三十餘請

不獲命會陳洪進納土俶恐懼乃籍其國甲兵獻之復上表乞罷所封吳越國及解天下兵馬大元帥之職寢書

詔不名之制且求歸本道不許倣不知所爲崔仁冀曰朝廷意可知矣大王不速納土禍且至倣左右爭言不可

仁冀厲聲曰今在人掌握中去國千里惟有羽翼乃能飛去耳

攷異涑水記開以勸納土爲周仁冀事當是傳寫之譌今從長編及宋史

倣遂決策上表獻所

管十三州一軍帝御乾元殿受朝如冬正儀倣朝退將吏僚屬始知之皆慟哭曰吾王不歸矣凡得縣八十六戶

五十五萬六百八兵十一萬五千三十六 丙戌命考功郎中范旻權知兩浙諸州事旻初自淮南歸朝帝謂曰

江淮之間輦運相繼卿之功也將用爲翰林學士盧多遜言杭州初復非旻不可治帝乃謂旻曰卿且爲朕行卽

當召卿矣錢氏據兩浙逾八十年外厚貢獻內事奢僭地狹民衆賦斂苛暴雞魚卵茶纖悉收取斗升之進罪至

鞭背少者數十多者至五百餘訖於國除民苦其政旻旣至悉條奏請蠲除之詔從其請 丁亥徙封錢俶爲淮

海國王以其子惟濬爲淮南節度使惟治爲鎮國節度使孫承祐爲泰寧節度使崔仁冀爲淮南節度副使 戊

子詔赦兩浙諸州給復一年 壬寅定難節度使李克勣卒以其子繼筠襲職 遼主之在藩邸也馬羣侍中尼

哩舊作女里今改傾心結納及卽位以翼戴功累加守太尉北漢主聞其見信任遇生日必致禮尼哩素貪與同列蕭阿

布達舊作阿不底今改並以賄聞時人有氈裘爲臬耳子所著者或戲曰若尼哩蕭阿布達必盡取之傳以爲笑其貪猥

如此至是坐藏甲五百屬有司案詰會追治賊殺蕭思溫者尼哩及高勳皆預其謀癸卯賜尼哩死遣人誅勳於

流所以勦之產賜思溫家尼哩無它長唯善識馬嘗行郊野見數馬迹指其一曰此奇駿也以己馬易之已而果

然 六月己未遼主如沿柳湖 戊辰詔自今乘驛者皆給銀牌 秋七月乙酉以振武節度使殿前都虞候白

進超爲殿前副都指揮使以殿前都指揮使楊信病歿故也信晚歲病瘖而能治軍進超無殊功以謹密見擢

壬辰隴西郡公李煜薨輟朝三日贈太師追封吳王

改吳李後主之卒它書多言賜燭非善終或云太宗使徐鉉私見煜煜太息稱當初悔殺潘佑及太宗問鉉鉉不敢隱因有奉機藥之賜或云後主作小詞有一江

春水向東流之句太宗惡之未幾遇燭然長編及宋史世家何氏新編皆不書蓋闕疑慎言之意也今亦不取初鄭彥華之子文寶仕煜爲校書郎歸朝不復敘故官煜時在環衛文

寶欲一見慮守者難之乃披蓑荷笠爲漁者旣得入因說煜以聖主寬宥之意宜謹節奉上勿爲它慮議者歎其

忠焉 中元節張燈詔有司於淮海王俶第前設燈上陳聲樂以寵之 丁未以廬州無爲監爲無爲軍 庚戌

改明德門爲丹鳳門 遼享於太祖廟 帝先詔權罷貢舉復恐場屋閒有留滯者八月詔諸州去年已得解者

除三禮三傳學究外餘並以秋集禮部 癸丑滑州黃河清 丙辰詔兩浙發淮海王俶總麻以上親及所管官

吏悉歸闕凡舟千四百艘所過以兵護送之於是俶子惟治悉奉兵民圖籍帑廩管籥授知杭州范旻與其弟惟

演等皆赴闕詔遣內侍勞於近郊王申對於長春殿各賜衣帶鞍馬器幣 甲戌羣臣請上尊號曰應運統天聖

明

攷異東都事略作聖明今從長編及宋史文武皇帝許之 九月甲申朔帝御講武殿覆試禮部合格人進士加論一首自是帝以三題

爲準得渤海胡旦以下七十四人乙酉得諸科七十人竝賜及第始賜宴於迎春苑授官如二年之制故事禮部

惟春放榜至是秋試非常例也 遼東京留守平王隆先聰明博學其在東京薄賦省刑郵驛寡數薦賢能之士

人多稱之其子陳格

舊作陳哥今改

與渤海官屬謀殺其父舉兵作亂遼主命輓裂陳格以徇 己亥改杭州衣錦軍爲

順化軍 冬十月癸丑遼遣太僕卿耶律諧理等來賀乾明節 庚申車駕幸武功郡王德昭邸遂幸齊王邸賜

齊王銀萬兩絹萬匹德昭德芳有差 司農寺丞孔宜知星子縣回獻所爲文帝召見問以孔子世嗣擢右贊善

大夫襲封文宣公辛酉詔免其家租稅孔氏以聖人後歷代不預庸調周顯德中遣使均田遂抑爲編戶至是特

命免之帝初卽位幸左藏庫視其儲積語宰相曰此金帛如山用何能盡先帝每焦心勞慮以經費爲念何其過也於是分左藏北庫爲內藏庫并以講武殿後封樁庫屬焉改封樁庫爲景福內庫帝謂左右曰朕置內庫蓋慮司計之臣不能節約異時用度有缺復賦斂於民終不以此自供嗜好也初太祖別置封樁庫嘗謂近臣曰石晉割幽薊以賂契丹使一方之人獨限外境朕甚憫之欲俟斯庫所蓄滿三五十萬卽遣使與契丹約苟能歸我土地民庶則當盡此金帛充其贖直如曰不可朕將散滯財募勇士俾圖攻取耳會宴駕不果

攷吳王曾筆記云左藏北庫卽封樁庫太

宗改名北藏北庫後改名內藏庫李璣曰內藏庫實分左藏北庫爲之非封樁庫也而封樁庫別改名景福內庫并屬內藏疑王曾誤矣封樁庫卽藏每歲國用羨餘之數亦安得十數年間金帛遂如山乎金帛如山固當是左藏北庫蓋借儲蓄並入左藏其北庫金帛山積宜也王曾云借儲蓄悉入封樁庫正緣誤指左藏北庫卽爲封樁庫耳又案宋敏求東京記云國初置景福內庫太平興國三年改名內藏相對有封樁庫景德四年賜名內藏西庫別有景福殿庫隸爲數求以內藏庫卽景福庫與國史不同或敏求誤所云封樁庫則是眞宗時別以新衣庫爲之者非王曾所記太祖時封樁庫也別有景福殿庫亦隸內藏既云別有又恐非太宗所收景福內庫矣然職官志載內藏庫在銀臺門外又有西庫景福殿庫隸焉與敏求所記蓋同今但以食貨志爲據

遼南京留守燕王韓匡嗣入樞樞密使遼王命其子

德讓代之德讓有智略喜建功立事屢代其父爲留守遼人以爲榮十一月乙未親享太廟丙申合祭天地於

南郊御丹鳳樓大赦受冊尊號於乾元殿國初以來南郊四祭及感生帝皇地祇神州凡七祭並以四祖迭配帝卽位但以宣祖太祖更配於是合祭天地始奉太祖升侑焉庚子幸齊王邸丙午以郊祀中外文武加恩

初閣門祇候浚儀王侁使靈州通達軍還言主帥所用牙兵率桀黠難制慮歲久生變請一切代之帝因遣侁調

發內地卒往代戌卒聞當代多願留侁察其中有拒命者斬以徇卒皆惕息遂將以還三司所掌諸案以商稅

冒糶求鹽四案爲繁劇十二月丙辰各置推官命左贊善大夫張仲容等分領之諸案尋皆置推官或置巡官悉

以京朝官充帝之尹開封也薊人宋琪以左補闕爲推官帝甚加禮遇琪與宰相趙普樞密使李崇矩善多游

其門帝惡之白太祖出琪知隴州移闔州帝卽位由護國節度判官召赴闕程羽等先自府邸攀附至顯要琪爲

所中久不得調丁巳帝召見諸貴琪拜謝請悔過自新乃授太子洗馬 乙丑御講武臺觀飛仙軍人發機石射

連弩帝將伐北漢先習武事也 庚午臘有司請備冬狩之禮帝從之謂左右曰禽荒有戒朕今順時蒐狩爲民

除害非敢以爲樂也 甲戌改永興軍爲興國軍 戊寅遼遣蕭巴固濟等來賀明年正旦 時諸州貢舉人並

集會將親征河東罷之自是每間一年或二年乃行貢舉 初陳洪進納土帝旣命其子文顯知泉州留後議擇

能臣關掌州事起復殿中丞南頓喬維岳爲通判維岳始至會草寇十餘萬來攻城城中兵才三千勢甚危急監

軍何承矩王文寶欲屠城焚庫而遁維岳抗議以爲朝廷任以綏遠之寄今惠澤未布盜賊連結反欲屠城焚庫

豈詔意哉承矩等因復堅守會兩浙西南路轉運使馮翊楊克讓自福州率屯來救圍遂解監軍王繼昇率精兵

追擊禽其魁械送闕下餘寇悉平承矩繼筠之子也 是冬遼主駐金川御琯郎君耶律呼圖舊作虎
古今改從聘宋還

言於遼主曰宋必取河東當先爲之備韓匡嗣曰何以知之呼圖曰是不難知也四方僭號之國宋皆并取唯河

東未下耳今宋講武習戰意必在漢矣匡嗣詆之曰寧有是邪卒不設備

四年

遼乾亨
元年

春正月帝召樞密使曹彬問曰周世宗及我太祖皆親征太原而不能克豈城壁堅完不可近乎彬

對曰世宗時史超敗於石嶺關人情震恐故師還太祖頓兵甘草地中軍人多被腹疾因是中止非城壘不可近

也帝曰我今舉兵卿以爲何如彬曰國家兵甲精銳人心忻戴若行弔伐如摧枯拉朽耳帝意遂決宰相薛居正

等曰昔世宗舉兵太原倚契丹之援堅壁不戰以致師老而歸及太祖破契丹於雁門關南盡驅其人民分布河

洛之間雖巢穴尙存而危困已甚得之不足以闢土舍之不足以爲患願陛下熟慮之帝曰今者事同而勢異且

先帝破契丹徙其人而空其地者正爲今日事也朕計決矣 丁亥命太子中允張洎著作鄭居中正使高麗告

以北伐遣常參官分督諸州軍儲赴太原庚寅以宣徽南院使潘美爲北路都招討制置使命崔彥進李漢瓊曹翰劉遇各攻其城之一面遇以次當攻其西面而西面直北漢主宮城尤險惡遇欲與翰易地翰弗可遇必欲易之議久不決帝慮將帥不協乃諭翰曰卿智勇無雙城西面非卿不能當也翰始奉詔辛卯命雲州觀察使郭進爲太原石嶺關都部署西上閤門使田仁朗閤門祇候供奉官劉緒案行太原城四面壕寨閱視攻城梯衝器用遼主聞宋師討太原歎曰呼圖殊能料事朕與匡嗣慮不及此乃遣玳瑁舊作捷馬今改長壽來言曰何名而伐漢

也帝曰河東逆命所當問罪若北朝不援和約如故不然惟有戰耳癸巳以樞密直學士石熙載簽署院事簽

署樞密院事自熙載始

攷異宋史宰輔表作簽書蓋史臣避英宗諱追改非當時本稱也端拱元年楊守一二年張遜景德元年馮拯陳堯叟三年韓崇訓周知節天禧四年曹瑋明道二年王德用除簽署太平興國八年張齊賢王河除同簽署史皆易以書字今並

正改乙未宴潘美等於長春殿帝親授方略以遣之時劉鋹及淮海王俶武寧節度使陳洪進等皆與鋹因言朝

廷威靈及遠四方僭竊之主今日盡在坐中旦夕平太原劉繼元又至臣率先來朝願得執梃爲諸國降王長帝大笑賞賜甚厚丁酉命河北轉運使侯陟與陝西北路轉運使雷德驤分掌東西路轉運使事癸卯新渾儀

成司天監學生張思訓所剗也置文明殿東南之鐘鼓樓以思訓爲渾儀丞舊制日月晝夜行度皆人運轉新制成於自然尤精妙焉二月丁卯北漢乞援於遼遼命南府宰相耶律沙爲都統冀王塔爾爲監軍赴援又命南

院大王色珍以所部從樞密副使穆濟

舊作抹只今改

督之丙辰命宰相沈倫爲東京留守兼判開封府事宜徽北院

使王仁贍爲大內都部署樞密承旨陳從信副之帝初卽位謂齊王廷美曰太原我必取之至是欲以廷美掌留務開封府判官呂端言於廷美曰主上櫛風沐雨以申弔伐王地處親賢當表率扈從若掌留務非所宜也廷美由是請行端餘慶弟也甲子車駕發京師戊辰次澶州臨河主簿宋捷道旁獻封事帝見其姓名喜曰我師捷

矣即以爲將作監丞放異李收宋朝事實作太僕寺丞宋捷掌出納行在軍儲迎謁道左東都事略亦作太僕寺丞據談苑則捷迎謁道左止官臨河主簿特權將作監丞故靈福開評譏其以姓名而竊爵祿也然談苑以爲北敵入邊太宗幸大名府方據河而宋捷來獻封

事則又屬誤記事略作駕次澶州固征劉繼元時事也今從長編酌書之己巳次德清軍命行在轉運使河南劉保勳兼句當北面轉運使事遣均州刺史

臨洛解暉尙食使折彥贊攻隆州 甲戌次邢州以唐州團練使曹光實知威勝軍事光實入告願提一旅之衆

奮銳先登帝曰資糧事大亦足宣力也 丙子以潞州都監陳欽祚知威勝軍

卷第十

宋紀十起居雜單開三月盡重光
大荒落九月凡二年有奇

太宗至仁應運神功聖德睿烈大明廣孝皇帝

太平興國四年遼乾亨元年三月庚辰朔駐蹕鎮州命鄧州刺史尹勳攻隆州隆州爲北漢人依險築城以拒南師者

故先分兵圍之 辛巳命鎮州馬步都監客省副使齊廷琛洛苑副使侯美分兵攻孟縣引進使汾州防禦使田

欽祚護石嶺關屯軍與都部署郭進不協敵至閉壁自守去又不追蓄事資以規利爲部下所訟詔鞠之欽祚具

伏癸未責授睦州防禦使仍護軍 丙戌遼命北院大王耶律希達舊作奚底今改伊寶舊作乙室今改王薩哈舊作撒合今改等以兵戍燕

丁亥郭進破北漢兵於西龍門砦 戊子命六宅使侯繼隆攻沁州閤門祇候王僎攻汾州僎仇弟也 己丑

遼命左千牛衛大將軍韓偓大同軍節度使耶律善布舊作善補今改以本路兵援北漢 壬辰復命淄州刺史太原王

貴攻沁州 乙未遼耶律沙等至白馬嶺前阻大澗遇郭進兵沙與諸將欲待後軍冀王塔爾及穆濟舊作抹只今改以

爲急擊之便沙不能奪塔爾等以先鋒渡澗未半進率騎奮擊大敗之塔爾等及其子華格舊作注哥今改沙之子德琳

舊作德令衰舊作令衰今改圖敏舊作都敏今改詳衰舊作詳衰今改唐古舊作唐古今改俱歿於陳沙等幾不能出會耶律色珍舊作斜珍今改以救兵至萬弩

齊發宋師乃還沙穆濟僅以身免北漢主復遣間使齎蠟丸赴遼進捕得之徇於城下城中氣始奪矣攷異遼史作丁酉今從宋

史 命知府州閑廐使折御卿監軍供奉官分兵攻嵐州 丙申左飛龍使史業破北漢鷹揚軍攷異宋史作庚子今從長編

癸卯河東城西面轉運使劉保勳爲陝西北路轉運使代雷德驤也德驤調發沁州軍儲後期詔劾德驤命保勳

兼領之 乙巳夏州李繼筠乞帥所部助討北漢 詔泉州發兵護送陳洪進親屬赴闕 夏四月己酉朔嵐州

行營與北漢軍戰破之庚戌孟縣降 以石熙載爲樞密副使 辛亥北漢駙馬都尉盧俊自代州馳狀於遼告

急遼人敗衄之餘不能再發兵救 辛酉德哈勒部貢於遼 壬戌車駕發鎮州幸太原 折御卿克尙嵐軍獲

其軍使折令圖 甲子解暉等攻隆州西頭供奉官袁繼忠武騎軍校許均先登陷之攷異宋史東都事略俱作乙丑克隆州今從長編 己

巳折御卿克嵐州殺其憲州刺史郭翊獲夔州節度使馬延忠 庚午帝至太原駐蹕於汾水之東辛未幸城西

面案視營壘攻具慰勞諸將以手詔諭北漢主使降傳詔至城下守陴者不敢受 壬申夜漏未盡帝幸城西督

諸將攻城天武軍校荆嗣率衆先登手刃數人足貫雙箭中手礮折碎二齒帝見之亟召下賜以錦袍銀帶嗣罕

儒兄孫也先是帝選諸軍勇士數百人教以劍舞皆能擲劍於空中躍其身左右承之見者無不恐懼會契丹遣

使修貢賜宴便殿因出劍士示之數百人袒褐鼓譟揮刃而入跳擲承接曲盡其妙使者不敢正視及是巡城必

令舞劍士前導各呈其技城上人望之破膽帝每擲甲冑犯矢石指揮戎旅左右有諫者帝曰將士爭效命於鋒

鏑之下朕豈忍坐觀諸軍聞之人百其勇皆冒死先登凡控弦之士數十萬列陳於乘輿前蹲甲交射矢集太原

城上如蝟毛焉捕得生口云北漢主城中市所射之箭以十錢易一矢凡得百餘萬聚而貯之帝笑曰此箭爲我

蓄也及城降盡得之 田欽祚在石嶺關恣爲姦利諸不法事郭進屢以爲言欽祚憾之進武人剛烈戰功高欽

祚數加陵侮進不能堪癸酉遂縊而死欽祚以卒中風眩聞帝悼惜良久優詔贈安國節度使左右皆知而無敢言者命冀州刺史牛思進爲石嶺關部署思進有膂力嘗以彊弓挂於耳以手引之令滿又負壁立二力士撮其乳曳之不動軍中咸異焉 甲戌幸諸寨 乙亥幸連城視攻城諸洞時李漢瓊率衆先登矢集其腦又中指傷甚猶力疾戰帝促召至幄殿視其創傳以良藥帝欲親幸洞屋中勞士卒漢瓊泣曰矢石注洞屋如雨陛下奈何以萬乘之尊親往臨之若不聽臣請先死乃止 丁丑幸西連城樓 五月己卯朔幸城西南隅夜督諸將急攻通明陷羊馬城北漢宣徽使范超來降攻城者疑其出戰禽之以獻斬於纛下既而北漢盡殺超妻子梟其首投於城外 北漢代州刺史劉繼文及盧俊奔於遼 攷異九國志以繼文爲前死長編引郭守文傳云繼元弟繼文據代州依契丹以拒命守文討平之皆傳聞之失實當以遼史爲據十國春秋與遼史同 辛巳幸城西北隅北漢馬步軍都指揮使郭萬超來降 攷異萬超來降宋史本紀及十國春秋俱作王午今從長編 壬午帝幸城南謂諸將曰翼日重午當食於城中遂自草詔賜北漢主夜漏上一刻城上有蒼白雲如人狀 攷異九國志太宗駕至城下築連隄壅汾河灌城五月四日城東南隅墜水入注夾城中繼元大恐自督

崇貢土塞之宋史及東都事略俱不載灌城事今不取

癸未幸城南督諸將急攻士奮怒爭乘城不可遏帝恐屠其城因麾衆少退城中人猶欲

固守左僕射致仕馬峰以病臥家昇入見北漢主流涕備言興亡之理夜漏上十刻北漢主乃遣客省使李勳上表納款帝喜卽命通事舍人薛文寶齎詔入城撫諭夜漏未盡幸城北宴從臣於城臺受其降甲申遲明劉繼元率其平章事李憚等素服紗帽待罪臺下詔釋之召升臺勞問繼元叩頭曰臣自聞車駕親臨卽欲束身歸命蓋亡命者懼死劫臣不得降耳帝令籍亡命者至悉斬之顧謂淮海國王錢俶曰卿能保一方以歸於我不致血刃深可嘉也北漢平凡得州十軍一縣四十一戶三萬五千二百一十兵三萬 攷異遼史景宗紀云六月劉繼元降宋漢亡案東都事略云太宗將至太原語侍臣曰我當以

端五日置酒高會於太原城中及繼元降果五月五日也長編以太宗端午之期爲前一日命劉保勳知太原府 乙酉赦河東管内常